

太陽病狀
少陰病狀
厥陰病狀

傷寒直忌
發汗吐下後病狀
霍亂病狀

陰易病以後勞復

小兒痘
小兒雜治
耳目咽口病

千金翼方

卷十一

千金翼方卷第十

傷寒下

宋朝奉郎守太常少卿充秘閣校理林億等校正
明翰林院檢討國史纂修官王肯堂重校
內閣撰文 中書舍人加四級金匱華希閔校刻

太陰病狀第一

少陰病狀第二

厥陰病狀第三

厥利嘔噦附

傷寒宜忌第四

十五章

發汗吐下後病狀第五

霍亂病狀第六

陰易病已後勞復第七 雜方附

太陰病狀第一 八證方二首

太陰之爲病腹滿而吐食不下自利益甚時腹自痛
若下之必留下堅結

太陰脉浮可發其汗

太陰中風四肢煩疼陽微陰澀而長爲欲愈

太陰病欲解時從亥盡丑

自利不渴者屬太陰其藏有寒故也當溫之宜四逆
輩

傷寒脉浮而緩手足溫是爲繫在太陰在太陰當發

黃小便自利者不能發黃至七八日雖煩暴利十餘行必自止所以自止者脾家實腐穢當去故也

本太陽病醫反下之因腹滿時痛爲屬太陰桂枝加芍藥湯主之大便實痛者桂枝加大黃湯主之方

桂枝

生薑

切各參兩半

芍藥

陸兩

甘草

貳兩炙

大棗

拾貳枚擘

右五味以水七升煮取三升去滓分溫三服

加大黃湯方

大黃

貳兩一作半兩

右於前方中加此大黃貳兩卽是

本無陽證脉弱其人續自便利設當行大黃芍藥者
宜減之以其人胃氣弱易動故也

少陰病狀第二

四十五證方一十六首

少陰之爲病脉微細但欲寐

少陰病欲吐而不吐心煩但欲寐五六日自利而渴
者屬少陰也虛故引水自救若小便色白者少陰病
形悉具其人小便白者下焦虛寒不能制溲故白也
夫病其脉陰陽俱緊而反汗出爲亡陽屬少陰法當
咽痛而復吐利

少陰病欬而下利譫語是爲被火氣劫故也小便必

難爲強責少陰汗也

少陰病脉細沈數病在裏不可發其汗無陽故也陽已虛尺中弱澀者復不可下之

少陰病脉緊者至七八日自下利其脉暴微手足反溫其脉緊反去此爲欲解雖煩下利必自愈

少陰病下利若利止惡寒而蹇手足溫者可治

少陰病惡寒而蹇時自煩欲去其衣被者可治

少陰中風其脉陽微陰浮爲欲愈

少陰病欲解時從子盡寅

少陰病八九日一身手足盡熱者以熱在膀胱必便

血

少陰病其人吐利手足不逆反發熱不死脉不足者

灸其少陰七壯

一作脉不至

少陰病但厥無汗而強發之必動其血未知從何道
出或從口鼻或從目出是名下厥上竭爲難治

少陰病惡寒身蹇而利手足逆冷者不治

少陰病吐利躁煩四逆者死

少陰病下利止而頭眩時時自冒者死

少陰病四逆惡寒而蹇脉不至其人不煩而躁者死

少陰病六七日其息高者死

少陰病脉微細沈但欲卧汗出不煩自欲吐至五六日自利復煩躁不得卧寐者死

少陰病始得之反發熱脉反沈者麻黃細辛附子湯主之方

麻黃

去節

細辛

各貳兩

附子

壹枚炮去皮破捌片

右三味以水二升先煮麻黃減一升去上沫內諸藥煮取三升去滓溫服一升

少陰病得之二三日麻黃附子甘草湯微發汗以二三日無裏證故微發汗方

麻黃

去節

甘草

炙各貳兩

附子

壹枚炮去皮破捌片

右三味以水七升先煮麻黃一二沸去上沫內諸藥煮取二升半去滓溫服八合

少陰病得之二三日以上心中煩不得卧者黃連阿膠湯主之方

黃連

肆兩

黃芩

壹兩

芍藥

貳兩

雞子黃

貳枚

阿膠

參挺

右五味以水六升先煮三味取二升去滓內膠烱

盡內雞子黃攪令相得溫服七合日三服

少陰病得一二日口中和其背惡寒者當灸之附子

湯主之

少陰病身體痛手足寒骨節痛脉沈者附子湯主之方

附子

貳枚炮去皮破捌片

茯苓

芍藥

各叁兩

人參

貳兩

白朮

肆兩

右五味以水八升煮取三升去滓分溫三服

少陰病下利便膿血菟花湯主之

少陰病二三日至四五日腹痛小便不利下利不止

而便膿血菟花湯主之方

赤石脂

壹觔一半完一半末

乾薑

壹兩

粳米

壹升

右三味以水七升煮米熟湯成去滓溫取七合內

赤石脂末一方寸七一服止餘勿服

少陰病下利便膿血者可刺

少陰病吐利手足厥逆煩躁欲死者茱萸湯主之方

見陽明門

少陰病下利咽痛胃滿心煩猪膚湯主之方

猪膚壹觔

右一味以水一斗煮取五升去滓內白蜜一升白粉五合熬香和令相得溫分六服

少陰病二三日咽痛者可與甘草湯不差可與桔梗

湯方

甘草貳兩

右一味以水三升煮取一升半去滓溫服七合日再服

桔梗甘草湯方

桔梗壹兩

甘草貳兩

右二味以水三升煮取一升去滓分溫再服

少陰病咽中傷生瘡不能語言聲不出苦酒湯主之

方

雞子壹枚去黃肉上好苦酒於殼中

半夏洗破如棗核大拾肆枚

右二味內半夏著苦酒中以雞子殼置刀環中安

火上令三沸去滓少少含嚥之不差更作三劑愈
少陰病咽中痛半夏散及湯方

半夏

洗

桂枝

甘草

炙

右三味等分各異擣合治之白飲和服方寸七日
三服若不能散服者以水一升煎七沸內散兩方
寸匕更煮三沸下火令小冷少少含嚥之半夏有
毒不當散服

少陰病下利白通湯主之方

附子

壹枚生去皮破掬片

乾薑

壹兩

葱白

肆莖

右三味以水三升煮取一升去滓分溫再服

少陰病下利脉微服白通湯利不止厥逆無脉乾嘔煩者白通加猪膽汁湯主之方

猪膽汁

壹合

人尿

伍合

右二味內前湯中和令相得溫分再服若無猪膽亦可用服湯後脉暴出者死微續者生

少陰病二三日不已至四五日腹痛小便不利四肢沈重疼痛而利此爲有水氣其人或欬或小便自利或下利或嘔玄武湯主之方

茯苓

芍藥

生薑

各參兩切

白朮

貳兩

附子

壹枚炮去皮破八片

右五味以水八升煮取三升去滓溫服七合欬者
加五味子半升細辛乾薑各一兩小便自利者去
茯苓下利者去芍藥加乾薑二兩嘔者去附子加
生薑足前爲半斤利不止便膿血者宜薤花湯
少陰病下利清穀裏寒外熱手足厥逆脈微欲絕身
反不惡寒其人面赤色或腹痛或乾嘔或咽痛或利
止而脈不出通脈四逆湯主之方

甘草

貳兩炙

附子

大者壹枚生
去皮破八片

乾薑

參兩強人
可肆兩

右三味以水三升煮取一升二合去滓分溫再服
其脈卽出者愈面赤者加葱白九莖腹痛去葱加

芍藥二兩嘔者加生薑二兩咽痛者去芍藥加桔
梗一兩利止脉不出者去桔梗加人參二兩病皆
與方相應者乃可加減服之

少陰病四逆其人或欬或悸或小便不利或腹中痛
或洩利下重四逆散主之方

甘草

炙

枳實

破水浸
炙乾

柴胡

芍藥

各拾
分

右四味搗爲散白飲和服方寸七日三服欬者加
五味子乾薑各五分兼主利悸者加桂枝五分小
便不利者加茯苓五分腹中痛者加附子一枚炮
洩利下重者先以水五升煮薤白三升取三升去

滓以散三方寸七內湯中煮取一升半分溫再服

少陰病下利六七日欬而嘔渴心煩不得眠猪苓湯

主之

方見陽明門

少陰病得之二三日口燥咽乾急下之宜承氣湯

少陰病自利清水色純青心下必痛口乾燥者可下

之宜大承氣湯

一云大柴胡湯

少陰病六七日腹滿不大便者急下之宜大承氣湯

方見承氣中

少陰病其脉沉者當溫之宜四逆湯

少陰病其人飲食入則吐心中溫溫欲吐復不能吐